

## 雜阿含經卷第四

之四

丘足於一面住諸上座比丘告陀婆比丘言  
汝往詣差摩比丘所語言諸上座間汝身小  
差安隱苦患不增劇耶時陀婆比丘受諸上  
座比丘教至差摩比丘所語言差摩比丘言諸  
上座比丘問訊汝苦患漸差不衆苦不至增  
耶差摩比丘語陀婆比丘言我病不差不安

隱身諸苦轉增無救譬如多力士夫取羸劣  
人以繩縛頭兩手急絞極大苦痛我今苦痛  
有過於彼譬如屠牛以利力生割其腹取其  
內藏其牛腹痛當何可堪我今腹痛甚於彼  
牛如二力士捉一劣夫懸著火上燒其兩足  
我今兩足熱過於彼時陀婆比丘還至諸上  
座所以差摩比丘所說病狀具白諸上座時  
諸上座還遣陀婆比丘至差摩比丘所語言差  
摩比丘言世尊所說有五受陰何等爲五色  
受陰受想行識受陰汝差摩能少觀察此五  
受陰非我非我所耶時陀婆比丘受諸上座  
者時陀婆比丘詣諸上座比丘禮諸上座比

## 雜阿含經卷第五

之五

宋天竺三藏求那跋陀羅譯

如是我聞一時佛有衆多上座比丘住拘舍  
彌國瞿師羅園時有差摩比丘住拘舍彌國  
跋陀梨園身得重病時有陀婆比丘爲瞻病  
者時陀婆比丘詣諸上座比丘禮諸上座比

②

卷之

尊說五受陰汝少能觀察非我非我所耶差  
摩比丘語陀婆言我於彼五受陰能觀察非  
我非我所陀婆比丘還白諸上座差摩比丘  
言我於五受陰能觀察非我非我所諸上座  
比丘復遣陀婆比丘語差摩比丘言汝能於  
五受陰觀察非我非我所如漏盡阿羅漢耶

時陀婆比丘受諸上座比丘教往詣差摩比  
丘所語差摩言比丘能如是觀五受陰者如  
漏盡阿羅漢耶差摩比丘語陀婆比丘言我  
觀五受陰非我非我所非漏盡阿羅漢也時  
陀婆比丘還至諸上座所白諸上座差摩比  
丘言我觀五受陰非我非我所而非漏盡阿  
羅漢也時諸上座語陀婆比丘汝復還語差  
摩比丘汝言我觀五受陰非我非我所而非  
漏盡阿羅漢前後相違陀婆比丘受諸上座  
比丘教往語差摩比丘汝言我觀五受陰非  
我非我所而非漏盡阿羅漢前後相違差摩  
比丘語陀婆比丘言我於五受陰觀察非我

之五

二

非我所而非阿羅漢者我於我慢我欲我使  
未斷未知未離未吐陀婆比丘還至諸上座  
所白諸上座差摩比丘言我於五受陰觀察  
非我非我所而非漏盡阿羅漢者於五受陰  
我慢我欲我使未斷未知未離未吐諸上座  
復遣陀婆比丘語差摩比丘言汝言有我於  
何所有我爲色是我爲我異色受想行識是  
我爲我異識耶差摩比丘語陀婆比丘言我  
不言色是我我異色受想行識是我我異識  
能於五受陰我慢我欲我使未斷未知未離  
未吐差摩比丘語陀婆比丘言何煩令汝駛  
馳往反汝取杖來我自扶杖詣彼上座願授  
以杖差摩比丘願自扶杖詣諸上座時諸上  
座遙見差摩比丘扶杖而來自爲敷座安停  
橙脚自往迎接爲持衣鉢命令就坐共相慰  
勞慰勞已語差摩比丘言汝言我慢何所見  
我色是我耶我異色耶受想行識是我耶我  
異識耶差摩比丘白言非色是我非我異色

非受想行識是我非我異識能於五受陰我慢我欲我使未斷未知未離未吐譬如優鉢羅鉢曇摩拘牟頭分陀利華香為即根香耶為香異根耶為莖葉鬚精鹿香耶為香異根精鹿耶為等說不諸上座答言不也曇摩比丘非優鉢羅鉢曇摩拘牟頭分陀利根即是

之五

三

香非香異根亦非莖葉鬚精鹿是香亦非香異精鹿也差摩比丘復問彼何等香上座答言是華香差摩比丘復言我亦如是非色即我我不離色非受想行識即我我不離識然我於五受陰見非我非我所而於我慢我欲我使未斷未知未離未吐諸上座聽我說譬如是智者因譬類得解譬如乳母衣付浣衣者以種種灰湯浣濯鹿垢猶有餘氣要以種種雜香薰令消滅如是多聞聖弟子離於五受陰正觀非我非我所能於五受陰我慢我欲我使未斷未知未離未吐然後於五受陰增進思惟觀察生滅此色此色集此色滅此受

想行識此識集此識滅於五受陰如是觀生滅已我慢我欲我使一切悉除是名真實正觀差摩比丘說此法時彼諸上座遠塵離垢得法眼淨差摩比丘不起諸漏心得解脫法喜利故身病悉除時諸上座比丘語差摩比丘言我聞仁者初所說已解已樂況復重聞所以問者欲發仁者微妙辯才非為燒亂汝便堪能廣說如來應等正覺法時諸上座聞差摩比丘所說歡喜奉行  
如是我聞一時佛住舍衛國祇樹給孤獨園尔時有比丘名談摩迦起惡邪見作如是言如我解佛所說法漏盡阿羅漢身壞命終更無所有時有衆多比丘聞彼所說往詣其所語談摩迦比丘言汝實作是說如我解佛所說法漏盡阿羅漢身壞命終更無所有耶答言實爾諸尊時諸比丘語談摩迦勿謗世尊謗世尊者不善世尊不作是說汝當盡捨此惡邪見諸比丘說此論時談摩迦比丘猶執

惡邪見作如是言諸尊唯此真實異則虛妄  
如是三說時諸比丘不能調伏燄摩迦比丘  
即便捨去往詣尊者舍利弗所語尊者舍利  
弗言尊者當知彼燄摩迦比丘起如是惡邪  
見言我解知佛所說法漏盡阿羅漢身壞命  
終更無所有我等聞彼所說以故往問燄摩

之五

四

迦比丘汝實作如是知見耶彼答我言諸尊  
實爾異則愚說我即語言汝勿謗世尊世尊  
不作此語汝當捨此惡邪見再三諫彼猶不  
捨惡邪見是故我今詣尊者所唯願尊者當  
令燄摩迦比丘息惡邪見憐愍彼故舍利弗  
言如是我當令彼息惡邪見時衆多比丘聞

舍利弗語歡喜隨喜而還本處

尔時尊者舍利弗晨朝著衣持鉢入舍衛城  
乞食食已出城還精舍舉衣鉢已往詣燄摩  
迦比丘所時燄摩迦比丘遙見尊者舍利弗  
來即爲敷座洗足安停脚机奉迎爲執衣鉢  
請令就坐尊者舍利弗就坐洗足已語燄摩

迦比丘汝實作如是語我解知世尊所說法  
漏盡阿羅漢身壞命終無所有耶燄摩迦比  
丘白舍利弗言實爾尊者舍利弗舍利弗言  
我今問汝隨意答我云何燄摩迦色爲常耶  
爲非常耶答言尊者舍利弗無常復問若無  
常者是苦不答言是苦復問若無常苦是變  
易法多聞聖弟子寧於中見我異我相在不  
答言不也尊者舍利弗受想行識亦復如是  
復問云何燄摩迦色是如來耶答言不也尊  
者舍利弗受想行識是如來耶答言不也尊  
者舍利弗復問云何燄摩迦異色有如來耶  
異受想行識有如來耶答言不也尊者舍利  
弗復問色中有如來耶受想行識中有如來  
耶答言不也尊者舍利弗復問如來中有色  
耶如來中有受想行識耶答言不也尊者舍  
利弗復問非色受想行識有如來耶答言不  
也尊者舍利弗如是燄摩迦如來見法真實  
如住無所得無所施設汝云何言我解知世

之五

五

尊所說漏盡阿羅漢身壞命終無所有爲時說耶答言不也尊者舍利弗復問燄摩迦先言我解知世尊所說漏盡阿羅漢身壞命終無所有云何今復言非耶燄摩迦比丘言尊者舍利弗我先不解無明故作如是惡邪說聞尊者舍利弗說已不解無明一切悉斷復問燄摩迦若復問比丘如先惡邪見所說今何所知所見一切悉得遠離汝當云何答燄摩迦答言尊者舍利弗若有來問者我當如是答漏盡阿羅漢色無常無常者是苦苦者寂靜清涼永沒受想行識亦復如有來問者作如是答舍利弗言善哉善哉燄摩迦比丘汝應如是答所以者何漏盡阿羅漢色無常無常者是苦若無常苦者是生滅法受想行識亦復如是尊者舍利弗說是法時燄摩迦比丘遠塵離垢得法眼淨尊者舍利弗語燄摩迦比丘今當說譬夫智者以譬得解如長者子長者子大富多財廣求僕從善守護

財物時有怨家惡人詐來親附爲作僕從常伺其便晚眠早起侍息左右謹敬其事遜其言辭令主意悅作親友想子想極信不疑不自防護然後手執利刀以斷其命燄摩迦比丘於意云何彼惡怨家爲長者親友非爲初始方便害心常伺其便至其終耶而彼長者不能覺知至今受害答言實尔尊者舍利弗語燄摩迦比丘於意云何彼長者本知被人詐親欲害善自防護不受害耶答言如是尊者舍利弗如是燄摩迦比丘愚癡無聞凡夫於五受陰作常想安隱想不病想我想我所想於此五受陰保持護惜終爲此五受陰怨家所害如彼長者爲詐親怨家所害而不覺知燄摩迦多聞聖弟子於此五受陰觀察如病如癱如刺如殺無常苦空非我非我所於此五受陰不著不受不受故不著不著故自覺涅槃我生已盡梵行已立所作已作自知不受後有尊者舍利弗說是法時燄摩迦比

(之五)

(六)

丘不起諸漏心得解脫尊者舍利弗爲發摩迦比丘說法示教照喜已從座起去

如是我聞一時佛住王舍城迦蘭陀竹園尔時有外道出家名仙尼來詣佛所恭敬問訊於一面坐白佛言世尊先一日時若沙門若婆羅門若遮羅迦若出家集於希有講堂如是義稱富蘭那迦葉爲大衆主五百弟子前後圍遶其中有極聰慧者有鈍根者及其命終悉不記說其所往生處復有末迦梨瞿舍梨子爲大衆主五百弟子前後圍遶其諸弟子有聰慧者有鈍根者及其命終悉不記說所往生處如是先闍那毗羅胝子阿耆多翅舍欽婆羅迦羅拘陀迦旃延尼捷陀若提子等各與五百弟子前後圍遶亦如前者沙門瞿曇尔時亦在彼論中言沙門瞿曇爲大衆主其諸弟子有命終者即記說言某生彼處某生此處我先生疑云何沙門瞿曇得如此法佛告仙尼汝莫生疑以有惑故彼則生疑

之五

七

仙尼當知有三種師何等爲三有一師見現在世真實是我如所知說而無能知命終後事是名第一師出於世間復次仙尼有一師見現在世真實是我命終之後亦見是我如所知說復次仙尼有一師不見現在世真實是我亦復不見命終之後真實是我仙尼其第一師見現在世真實是我如所知說者名曰斷見彼第二師見今世後世真實是我如所知說者則是常見彼第三師不見現在世真實是我命終之後亦不見我是則如來應等正覺說現法愛斷離欲滅盡得涅槃仙尼出家白佛言世尊我聞世尊所說遂更增疑惑

佛告仙尼正應增疑所以者何此甚深處難見難知應須甚深照微妙至到聰慧所了凡衆生類未能辯知所以者何衆生長夜異見異忍異求異欲故仙尼白佛言世尊我於世尊所心得淨信唯願世尊爲我說法令我即於此座慧眼清淨佛告仙尼今當爲汝隨所

樂說佛告仙尼色是常耶爲無常耶答言無常世尊復問仙尼苦無常者是苦耶答言是苦世尊復問仙尼苦無常苦是變易法多聞聖弟子寧於中見我異我相在不答言不也世尊受想行識亦復如是復問云何仙尼色是如來耶答言不也世尊受想行識是如來耶答言不也世尊復問仙尼異色有如來耶異受想行識有如來耶答言不也世尊復問仙尼色中有如來耶受想行識中有如來耶答言不也世尊復問仙尼如來中有色耶如來中有受想行識耶答言不也世尊復問仙尼非色非受想行識有如來耶答言不也世尊佛告仙尼我諸弟子聞我所說不悉解義而起慢無間等非無間等故慢則不斷慢不斷故捨此陰已與陰相續生是故仙尼我則記說是學弟子身壞命終生彼處所以者何以彼有餘慢故仙尼我諸弟子於我所說能解義者彼於諸慢得無間等得無間等故

之五

諸慢則斷諸慢斷故身壞命終更不相續仙尼如是弟子我不說彼捨此陰已生彼處所以者何無因緣可記說故欲令我記說者當記說彼斷諸愛欲永離有結正意解脫究竟苦邊我從昔來及今現在常說慢過慢集慢生慢起若於慢無間等觀眾苦不生佛說此法時仙尼出家遠塵離垢得法眼淨尔時仙尼出家見法得法斷諸邪疑惑不由他知不由他度於正法中心得無畏從座起合掌白佛言世尊我得於正法中出家修梵行不佛告仙尼汝於正法得出家受具足戒得比丘分余時仙尼得出家已獨往一靜處修不放逸作如是思惟所以族姓子剃除鬚髮正信非家出家學道修行梵行見法自知得證我生已盡梵行已立所作已作自知不受後有得阿羅漢聞佛所說歡喜奉行

如是我聞一時佛住正舍城迦蘭陀竹園尔時有比丘名阿菟羅度住耆闌崛山時有衆

多外道出家住詣何菟羅度所共相問訊共  
相問訊已於一面住白阿菟羅度言欲有所  
問寧有閑暇爲解釋不可菟羅度語諸外道  
言隨所欲問知者當答諸外道復問云何尊  
者如來死後爲有耶阿菟羅度言如世尊說  
此是無記又問如來死後爲無耶有無耶非

之五

九

有非無耶阿菟羅度言如世尊說此亦無記  
復問阿菟羅度言云何世尊如來死後有耶  
說言無記死後無耶說言無記死後有無耶  
非有非無耶說言無記云何尊者沙門瞿曇  
爲不知不見耶阿菟羅度言世尊非不知非  
不見時諸外道於阿菟羅度所說心不喜悅  
訶罵已從座起去時阿菟羅度知諸外道去  
已往詣佛所稽首佛足於一面住以諸外道  
所問向佛廣說白佛言世尊彼如是問我如  
是答爲順諸法說耶得無謗世尊耶爲順法  
耶爲違法耶無令他來難詰墮訶責處耶佛  
告阿菟羅度言我今問汝隨所問答阿菟羅

度色爲常耶爲無常耶答言無常受想行識  
爲常無常耶答言無常世尊如燄摩迦契經  
廣說乃至識是如來耶答曰不也佛告阿菟  
羅度作如是說者隨順諸說不謗如來非爲  
越次如如來說諸次法說無有能來難詰訶  
責者所以者何我於色如實知色集色滅色  
滅道跡如實知阿菟羅度若捨如來所作無  
知無見說者此非等說佛說此經已阿菟羅  
度聞佛所說歡喜奉行

如是我聞一時佛住婆祇園設首婆羅山鹿  
野深林中余時有那拘羅長者百二十歲年  
耆根熟羸劣苦病而欲觀見世尊及先所宗  
重知識比丘來詣佛所稽首佛足退坐一面  
白佛言世尊我年衰老羸劣苦病自力勉勵  
覲見世尊及先所宗重知識比丘唯願世尊  
爲我說法令我長夜安樂余時世尊告那拘  
羅長者善哉長者汝實年耆根熟羸劣苦患  
而能自力覲見如來并餘宗重知識比丘長

者當知於苦患身常當修學不苦患身尔時  
世尊爲那拘羅長者示教照喜已默然而住  
那拘羅長者聞佛所說歡喜隨喜禮佛而去  
時尊者舍利弗去世尊不遠坐一樹下那拘  
羅長者往詣尊者舍利弗所稽首禮足退坐  
一面時尊者舍利弗問長者言汝今諸根和

之五

十

悅貌色鮮明於世尊所得聞深法耶那拘羅  
長者白舍利弗今日世尊爲我說法示教照  
喜以甘露法灌我身心是故我今諸根和悅  
顏貌鮮明尊者舍利弗問長者言世尊爲汝  
說何等法示教照喜甘露潤澤那拘羅長者  
白舍利弗我向詣世尊所白世尊言我年衰

老羸劣苦患自力而來觀見世尊及所宗重  
知識比丘佛告我言善哉長者汝實襄老羸  
劣苦患而能自力詣我及見先所宗重比丘  
汝今於此苦患之身常當修學不苦患身世  
尊爲我說如是法示教照喜甘露潤澤尊者  
舍利弗問長者言汝向何不重問世尊云何  
苦患身苦患心云何苦患身不苦患心長者  
答言我以是義故來詣尊者唯願爲我略說  
法要尊者舍利弗語長者言善哉長者汝今  
諦聽當爲汝說愚癡無聞凡夫於色集色滅  
色患色味色離不如實知不如實知故愛樂  
於色言色是我所而取攝受彼色若壞  
若異心識隨轉惱苦生惱苦生已恐怖障礙  
顧念憂苦結戀於受想行識亦復如是是名  
身心苦患云何身苦患心不苦患多聞聖弟子  
於色集色滅色味色患色離如實知如實  
知已不生愛樂見色是我所彼色若變  
若異心不隨轉惱苦生心不隨轉惱苦生已

之五

十一

得不恐怖障礙顧念結戀受想行識亦復如  
是是名身苦患心不苦患尊者舍利弗說是  
法時那拘羅長者得法眼淨尔時那拘羅長  
者見法得法知法入法度諸狐疑不由於他  
於正法中心得無畏從座起整衣服恭敬合  
掌白尊者舍利弗我已起已度我今歸依佛

法僧寶爲優婆塞證知我我今盡壽歸依三寶尔時那拘羅長者聞尊者舍利弗所說歡喜隨喜作禮而去

如是我聞一時佛住釋氏天現聚落尔時有西方衆多比丘欲還西方安居詣世尊所贊首佛足退坐一面尔時世尊爲其說法示教照喜種種示教照喜已時西方衆多比丘從座起合掌白佛言世尊我西方衆多比丘欲還西方安居今請奉辭佛告西方諸比丘汝辭舍利弗未荅言未辭佛告西方諸比丘舍利弗淳修梵行汝當奉辭能令汝等以義饒益長夜安樂時西方諸比丘辭退欲去時尊者舍利弗去佛不遠坐一堅固樹下西方諸比丘往詣尊者舍利弗所贊首禮足退坐一面白尊者舍利弗言我等欲還西方安居故來奉辭舍利弗言汝等辭世尊未荅言已辭舍利弗言汝等還西方處處異國種種異衆必當問汝汝等今於世尊所聞善說法當善

受善持善觀善入足能爲彼具足宣說不毀佛耶不令彼衆難問詰責墮負處耶彼諸比丘白舍利弗我等爲聞法故來詣尊者惟願尊者具爲我說哀愍故尊者舍利弗告諸比丘閻浮提人聰明利根若刹利若婆羅門若長者若沙門必當問汝汝彼大師云何說法以何教授汝當荅言大師唯說調伏欲貪以此教授當復問汝於何法中調伏欲貪當復荅言大師唯說於彼色陰調伏欲貪於受想行識陰調伏欲貪我大師如是說法彼當復問欲貪有何過患故大師說於色調伏欲貪受想行識調伏欲貪汝復應荅言若於色欲

之五

十二

不斷貪不斷愛不斷念不斷渴不斷者彼色若變若異則生憂悲惱苦受想行識亦復如是見欲貪有如是過故於色調伏欲貪於受想行識調伏欲貪彼復當問見斷欲貪有何福利故大師說於色調伏欲貪於受想行識調伏欲貪當復荅言若於色斷欲貪斷念

斷愛斷渴彼色苦變若異不起憂悲惱苦受  
想行識亦復如是諸尊若受諸不善法因緣  
故令得現法樂住不苦不礙不惱不熱身壞  
命終生於善處者世尊終不說言當斷諸不  
善法亦不教人於佛法中修諸梵行得盡苦  
邊以受諸不善法因緣故令現法苦住障礙  
熱惱身壞命終墮惡道中是故世尊說言當  
斷不善法於佛法中修諸梵行平等盡苦究竟  
竟苦邊若受諸善法因緣現法苦住障礙熱  
惱身壞命終墮惡道中者世尊終不說受持  
善法於佛法中修諸梵行平等盡苦究竟苦  
邊受持善法現法樂住不苦不礙不惱不熱  
身壞命終生於善處是故世尊讚歎教人受  
諸善法於佛法中修諸梵行平等盡苦究竟  
苦邊尊者舍利弗說是法時西方諸比丘不  
起諸漏心得解脫尊者舍利弗說是法時諸  
比丘歡喜隨喜作禮而去  
如是我聞一時佛住舍衛國祇樹給孤獨園

之五

十三

余時世尊告諸比丘譬言如池水方五十由旬  
深亦如是其水盈滿復有士夫以毛以草或  
以指爪以滯彼水諸比丘於意云何彼士夫  
水滯為多池水為多比丘白佛彼士夫以毛  
以草或以指爪所滯之水少少不足言池水  
甚多百舌方倍不可為比如是諸比丘見諦  
者所斷衆苦如彼池水於未來世永不復生  
余時世尊說是法已入室坐禪時尊者舍利  
弗於衆中坐世尊入室去後告諸比丘未曾  
所聞世尊今日善說池譬所以者何聖弟子  
具足見諦得無間等果若凡俗邪見身見根  
本身見集身見生身見起謂憂惱隱覆慶吉  
保惜說我說衆生說奇特矜舉如是衆邪悉  
皆除滅斷除根本如折多羅樹於未來世更  
不復生諸比丘何等為見諦聖弟子斷上衆  
邪於未來世永不復起愚癡無聞凡夫見色  
是我異我在色色在我見受想行識是我  
異我在識識在我云何見色是我得地一

一切入處正受觀已作是念地即是地我即是我我即是地我及地唯一無二不異不別如是水火風青黃赤白一切入處正受觀已作是念行即是地我即是行唯一無二不異不別如是於一切入處一一計我是名色即是地我云何見色異我若彼見受是我見受是我已見色是我所或見想行識即是地我見色是我所云何見我中色謂見受是我色在我中又見想行識即是地我色在我中云何見色中我謂見受即是地我於色中住入於色周遍其四體見想行識是我於色中住周遍其四體是名色中我云何見受即是地我謂六受身眼觸生受耳鼻舌意觸生受此六受身一一見是我名受即是地我云何見受異我謂見色是我受是我所謂想行識是我受是我所是名受異我云何見我中受謂色是我受在其中想行識是我受在其中是謂我中受云何見受中我謂色是我於受中住周遍其四體想行識是

之五

我謂於受中住周遍其四體是名受中我云何見想即是地我謂六想身眼觸生想耳鼻舌意觸生想此六想身一一見是我名想即是地我云何見想異我謂見色是我想是我所受行識是我想是我所是名想異我云何見我中想謂色是我想在中住受行識是我想在中住是謂我中想云何見想中我謂色是我於想中住周遍其四體受行識是我於想中住周遍其四體是名想中我云何見行想是我謂六思身眼觸生思耳鼻舌身意觸生思於此六思身一一見是我名行即是地我云何見行異我謂見色是我行是我所受想識是我行是我所是名行異我云何見我中行謂色是我行在中住受想識是我行在中住是謂我中行云何見行中我謂色是我於行中住周遍其四體謂受想識是我於行中住周遍其四體是名行中我云何見識即是地我謂六識身眼識耳鼻舌身意識身於此六

識身一一見是我是名識即是云何見識異我謂見色是我識是我所見受想行是我識是我所是名識異我云何見我中識謂色是我識在中住受想行是我識在中住是名我中識云何識中我謂色是我於識中住周遍其四體受想行是我於識中住周遍其四

之五

十五

體是名識中我如是聖弟子見四真諦得無間等果斷諸邪見於未來世永不復起所有諸色若過去若未來若現在若內若外若鹿若細若好若醜若近若遠一向積聚作如是觀一切無常一切苦一切空一切非我不應愛樂攝受保持受想行識亦復如是不應愛樂攝受保持如是觀善繫心住不愚於法復觀精進離諸懈怠心得喜樂身心猗息寂靜捨住具諸道品修行滿足永離諸惡非不消烊非不寂滅滅而不起滅而不增斷而不生不取不著自覺涅槃我生已盡梵行已立所作已作自知不受後有舍利弗說是法時六

十比丘不受諸漏心得解脫佛說此經已諸比丘聞佛所說歡喜奉行

如是我聞一時佛住毗舍離獮猴池側毗舍離國有尼捷子聰慧明哲善解諸論有聰明慢所廣集諸論妙智入微爲衆說法超諸論師每作是念諸沙門婆羅門無敵我者乃至如來亦能共論諸師輩聞我名者頭額津腋汙毛孔流水我論義風能偃草折樹摧破金石伏諸龍象何況人間諸論師輩能當我者時有比丘名阿濕波誓晨朝著衣持鉢威儀庠序端視平涉入城乞食少時薩遮尼捷子有少緣事詣諸聚落從城門出遙見比丘阿濕波誓即詣其所問言沙門瞿曇爲諸弟子云何說法以何等法教諸弟子令其修習阿濕波誓言火種居士出尊如是說法教諸弟子令隨修學言諸比丘於色當觀無我受想行識當觀無我此五受陰勤方便觀如病如癰如刺如殺無常苦空非我薩遮尼捷子聞

此語心不喜作是言阿濕波誓汝必悞聽沙門瞿曇終不作是說若沙門瞿曇作是說者則是邪見當詣彼難詰令止尔時薩遮尼捷子往詣聚落諸離車等集會之處語諸離車言我今日見沙門瞿曇第一弟子名阿濕波誓薄共論義若如其所說者我當詣彼沙門

之五

十六

瞿曇與共論義進却迴轉必隨我意譬如士夫刈芟芟草手執其莖空中抖擻除諸亂穢我亦如是與沙門瞿曇論義難詰執其要領進却迴轉隨其所欲去其邪說如酤酒家執其酒囊壓取清淳去其糟滓我亦如是詣沙門瞿曇論義難詰進却迴轉取其清眞去諸

時有衆多比丘出房外林中經行遇見薩遮尼捷子來漸漸詣諸比丘所問諸比丘言沙門瞿曇住在何所比丘答言在大林中依一樹下住於天住薩遮尼捷子即詣佛所恭敬問訊於一面坐諸離車長者亦詣佛所有恭敬者有合掌問訊者問訊已於一面住時薩遮尼捷子白佛言我聞瞿曇作如是說法作如是教授諸弟子教諸弟子於色觀察無我受想行識觀察無我此五受陰勤方便觀察如病如癱如刺如殺無常苦空非我耶爲是瞿曇有如是教爲是傳者毀瞿曇也如說說耶不如說說耶如法說耶法次法說耶無有

異人來相難詰令墮負處耶佛告薩遮尼捷如汝所聞彼如說說如法說法次法說非爲謗毀亦無難問令墮負處所以者何我實爲諸弟子如是說法我實常教諸弟子令隨順法教令觀色無我受想行識無我觀此五受陰如病如癱如刺如殺無常苦空非我薩遮

尼捷子白佛言瞿曇我今當說譬佛告薩遮尼捷子宜知是時譬如世間一切所作皆依於地如是色是我人善惡從生受想行識是我人善惡從生又復譬如人衆神界藥草樹木皆依於地而得生長如是色是我人受想行識是我人佛告火種居士汝言色是我人受想行識是我人耶答言如是瞿曇色是我人受想行識是我人此等諸衆悉作是說佛告火種居士且立汝論本用引衆人爲薩遮尼捷白佛言色實是我人佛告火種居士我今問汝隨意答我譬如國王於自國土有罪過者若殺若縛若擯若鞭斷絕手足若有功

者賜其象馬車乘城邑財寶悉能尔不答言能尔瞿曇佛告火種居士兄是主者悉得自在不答言如是瞿曇佛告火種居士汝言色是我受想行識即是我得隨意自在令彼如是不令如是耶時薩遮尼捷默然而住佛告火種居士速說速說何故默然如是再三薩遮尼捷猶故默然時有金剛力士鬼神持金剛杵猛火熾然在虛空中臨薩遮尼捷頭上作是言世尊再三問汝何故不答我當以金剛杵碎破汝頭令作七分佛神力故唯令薩遮尼捷子見金剛神餘衆不見薩遮尼捷得大恐怖白佛言不爾瞿曇佛告薩遮尼捷徐徐思惟然後解說汝先於衆中說色是我受想行識是我而今言不前後相違汝先常說言色是我受想行識是我火種居士我今問汝色爲常耶爲無常耶答言無常瞿曇復問汝無常者是苦耶答言是苦瞿曇復問無常者是變易法多聞聖弟子寧於中見我異我

之五

十八

相在不答曰不也瞿曇受想行識亦如是說佛告火種居士汝好思而後說復問火種居士若於色未離貪未離欲未離念未離愛未離渴彼色若變若異當生憂悲苦惱不答曰如是瞿曇受想行識亦如是說復問火種居士於色離貪離欲離念離愛離渴彼色若變若異則不生憂悲惱苦耶答曰如是如是瞿曇如實無異受想行識亦如是說火種居士譬如士夫身嬰衆苦常與苦俱彼苦不斷不捨當得樂不答言不也瞿曇如是火種居士身嬰衆苦常與苦俱彼苦不斷不捨不得樂也火種居士譬言如士夫持斧入山求堅寶材見芭蕉樹洪大曠直即斷其根葉剝剥其皮乃至窮盡都無堅寶火種居士汝亦如是自立論端我今善求真實之義都無堅寶如芭蕉樹也而於此衆中敢有所說我不見沙門婆羅門中所知所見能與如來應等正覺所知所見共論義不摧伏者而便自說我論義

之五

十九

風偃草折樹能破金石調伏龍象要能令彼額津腋汗毛孔水流汝今自論已義而不自立先所誇說能伏彼相今盡自取而不能動如來一毛余時世尊於大衆中披鬱多羅僧現智而示汝等試看能動如來一毛以不余時薩遮尼捷子默然低頭慚愧失色余時衆中有一離車名突目佢從座起整衣服合掌白佛言世尊聽我說譬佛告突目佢宜知是時突目佢白佛言世尊譬如有人執持斗斛於大聚穀中取二三斛今此薩遮尼捷子亦復如是世尊譬言如長者巨富多財忽有罪過一切財物悉入王家薩遮尼捷子亦復如是所有才辯悉爲如來之所攝受譬如城邑聚落邊有大水男女大小悉入水戲取水中蟹截斷其足置於陸地以無足故不能還復入於大水薩遮尼捷子亦復如是諸有才辯悉爲如來之所斷截終不復敢重詣如來命歎論義余時薩遮尼捷子忿怒熾盛罵呵突目

佞性車言汝鹿蹠物不審諦何爲其鳴吾自與沙門瞿曇論何預汝事薩遮尼捷子訶罵突目佞性已復白佛言置彼凡輩鄙賤之說我今別有所問佛告薩遮尼捷恣汝所問當隨問答云何瞿曇爲弟子說法令離疑惑佛告火種居士我爲諸弟子說諸所有色若過去若未來若現在若內若外若鹿若細若好若醜若遠若近彼一切如實觀察非我非異我不相在受想行識亦復如是彼學必見跡不斷壞堪住成就狀離知見守甘露門雖非一切悉得究竟具向涅槃如是弟子從我教法得離疑惑復問瞿曇復云何教諸弟子於佛法得盡諸漏無漏心解脫慧解脫現法自知作證我生已盡梵行已立所作已受後有薩遮尼捷白佛言瞿曇猶如壯夫鋒刃亂下猶可得免瞿曇論手難可得脫如盛毒蛇猶可得避曠澤猛火猶可得避凶惡醉象亦可得免狂餓師子悉可得免沙門瞿曇論義手中難可得脫非我凡品輕躁鄙夫論具不備以論義故來詣瞿曇沙門瞿曇此毗舍離豐樂國土有遮波梨支提婆菴羅樹支提多子支提瞿曇在拘樓陀支提若好若醜若遠若近彼一切如實知非我非異我不相在受想行識亦復如是彼於尔時

之五

成就三種無上智無上道無上解脫無上成就三種無上已於大師所恭敬尊重供養如佛世尊覺一切法即以此法調伏弟子令得安隱令得無畏調伏寂靜究竟涅槃世尊爲涅槃故爲弟子說法火種居士我諸弟子於此法中得盡諸漏得心解脫慧得解脫於現法中自知作證我生已盡梵行已立所作已作自知不受後有薩遮尼捷白佛言瞿曇猶如壯夫鋒刃亂下猶可得免瞿曇論手難可得脫如盛毒蛇猶可得避曠澤猛火猶可得避凶惡醉象亦可得免狂餓師子悉可得免沙門瞿曇論義手中難可得脫非我凡品輕躁鄙夫論具不備以論義故來詣瞿曇沙門瞿曇此毗舍離豐樂國土有遮波梨支提婆菴羅樹支提多子支提瞿曇在拘樓陀支提若好若醜若遠若近彼一切如實知非我非異我不相在受想行識亦復如是彼於尔時

婆羅門及諸世間於世尊所常得恭敬奉事

供養令此諸天魔梵沙門婆羅門長夜安樂  
唯願止此明朝與諸大眾受我薄食尔時世  
尊默然而許時薩遮尼捷子知佛世尊默然  
受請已歡喜隨喜從座起去尔時薩遮尼捷  
子於彼道中語諸離車我已請沙門瞿曇及  
諸大眾供設飯食汝等人各辦一金食送至

之五

廿一

我所諸離車各還其家星夜供辦晨朝送至  
薩遮尼捷子所薩遮尼捷子晨朝灑掃敷座  
供辦淨水遣使詣佛白言時到尔時世尊與  
諸大眾著衣持鉢往薩遮尼捷子所大眾前  
坐薩遮尼捷子自手奉施清淨飲食充足大  
衆食已洗鉢竟薩遮尼捷子知佛食竟洗鉢  
已取一卑床於佛前坐尔時世尊爲薩遮尼  
捷一說隨喜偈言

於諸大會中 奉火爲其最 閻陀經典中  
娑毗諦爲最 人中王爲最 諸河海爲最  
諸星月爲最 諸明日爲最 十方天人中  
等正覺爲最

余時世尊爲薩遮尼捷種種說法示教照喜  
已還歸本處時諸比丘於彼道中衆共論義  
五百離車各爲薩遮尼捷子供辦飲食彼諸  
離車於何得福薩遮尼捷子於何得福尔時  
諸比丘還自住處舉衣鉢洗足已至世尊所  
頭面禮足退坐一面白佛言世尊我等向於  
路中自共論義五百離車爲薩遮尼捷子供  
辦飲食供養世尊諸大眾彼諸離車於何得  
福薩遮尼捷子於何得福

佛告諸比丘彼諸離車供辦飲食爲薩遮尼  
捷子於薩遮尼捷子所因緣得福薩遮尼捷  
子得福佛功德彼諸離車得施有貪恚癡因  
緣果報薩遮尼捷子得施無貪恚癡因緣果

報  
彼多羅十問 差摩燄仙尼 阿菟羅長老  
西毛端薩遮

廿二末

之五

剝奇逆羸反力垂絞反巧橙都鄧浣胡伴濯濁音  
 嬌亂遶上音遶蘇困癱烏恭鈍徒因施智若  
 提者汝反菴奴侯服夏詰起一狐疑上音爪之  
 反涕滴音矜居陵猗於離敵徒的額吾客脣巧  
 刘芟上魚吠反酤酒上音壓押斗叟擗二字音亦  
 糟滓上音下擗必刃嬰一盈臍田恭剽剥剥

下延妙反突徒骨伎丘迦斛胡谷蟹芳買鋒  
 刃峯上音躁則到金父闡昌演反

### 雜阿含經卷第六

之六

宋大竺三藏求那跋陀羅譯

如是我聞一時佛住摩拘羅山時有侍者比丘名曰羅陀晡時從禪覺往詣佛所禮佛足退坐一面白佛言世尊說色斷知受想流云何名有流滅佛告羅陀善哉所問當爲

李君羣

汝說所謂有流者愚癡無聞凡夫於色集色滅色味色患色離不如實知不如實知故於色愛樂讚歎攝受染著緣愛樂色故取緣取故有緣有故生緣生故老病死憂悲惱苦增如是純大苦聚斯集起受想行識亦復如是是各有流多聞聖弟子於色集色滅色味色患色離如實知如實知故於彼色不起愛樂讚歎攝受染著不愛樂讚歎攝受染著故色愛則滅愛滅則取滅取滅則有滅有滅則生滅生滅則老病死憂悲惱苦滅如是純大苦聚滅受想行識亦復如是是名知來所說有流有流滅佛說此經已羅陀比丘聞佛所說歡喜奉行

如是我聞一時佛住摩拘羅山時有侍者比丘名羅陀晡時從禪覺往詣佛所禮佛足退坐一面白佛言世尊如世尊說色斷知受想行識斷知世尊云何色斷知受想行識斷知佛告羅陀善哉所問當爲汝說於色憂悲惱